



Norconsult As
Att: Arne Kringlen
Postboks 626
1303 Sandvika

Austrheim kommune - Uttale til varsel om oppstart av regulering og høyring av planprogram - Detaljregulering av næringsområdet N 18 i Herskedal - Planid 2021003

Vi viser til brev datert 03.06.22 frå Norconsult AS med varsel om planoppstart for næringsområdet N 18 Herskedal i Austrheim kommune.

Føremål og planstatus

Føremålet med planarbeidet er å regulere arealet til næringsføremål for å utvikle arbeidsplassar og nye næringar, til dømes landbasert opprett eller andre næringar innan havbruk, blågrøn profil, grøn industriavfall/slamhandsaming/biogass, fôrproduksjon og/eller desaltingsanlegg. Planframlegget legg rammar for seinare tiltak og i planprosessen skal arealbruk avklarast.

I følgje planprogrammet ser tiltakshavar på moglegheita for å etablere ei lagune/sprengje seg inn i området og etablere kai.

Planområdet er ikkje tidlegare regulert. Delar av området er i kommuneplanen sett av til næring/industri med krav om detaljreguleringsplan og konsekvensutgreiing. Konsekvensutgreiinga skal innehalde utgreiingar om naturmangfaldet.

Fiskeridirektoratet sitt ansvar og medverknad

Fiskeridirektoratet er myndighetenes rådgjevande og utøvande organ innan fiskeri- og havbruksforvaltninga i Norge, og er ansvarleg for forvaltning av dei levande marine ressursane. Vår oppgåve i arbeidet med marin arealforvaltning er å ta vare på fiskeri- og havbruksnæringen sine interesser i planprosessar i kystsona, her under ivaretaking av marint biologisk mangfald ved å tilstrebe ei balansert og berekraftig bruk av kystsona. Fiskeridirektoratets regionar skal ivareta desse interessene i det regionale og lokale planarbeidet.

Innspel frå Fiskeridirektoratet

Fiskeridirektoratet meiner oppstartsmeldinga er eit godt utgangspunkt for å følgje opp [Nasjonale forventningar til regional og kommunal planlegging](#) på ein god måte. Generelt meiner vi meldinga er oversiktig og at det klart kjem fram kva som er føremålet med planarbeidet.

Vi ser positivt på at konsekvensutgreiinga skal innehalde vurderingar av dei planlagde tiltaka der ein ser på konsekvensar både innanfor planområdet og utanfor (påverknadsområde). I følgje planprogrammet er eit alternativ å sprengje seg inn i område for å etablere kai. Det vil vere spesielt viktig å sjå på korleis sprengingsarbeid kan påverke sjøområdet i nærleiken med tanke på forureining av sjøbotn og spreining av partiklar, og kva avbøtande tiltak som er naudsynte for å ivareta ikringliggande miljø. Ein må også sjå på kva konsekvensar planlagd næring vil ha for marine interesser og marint miljø, som til dømes akvakultur, fiskeri og marint biologisk mangfald.

Planprogrammet skildrar at planprosessen skal opne for medverknad frå både offentlege mynde samt lag og foreiningar. Vi oppmodar til å invitere representantar frå Fiskarlaget og lokale fiskarar. Dei vil kunne bidra med nyttig og ikkje nødvendigvis offentlig registrert kunnskap om utbreiinga av marint biologisk mangfald.

Fiskeridirektoratet sin kartløyising Yggdrasil

På heimesida vår finn ein kartløyisinga [Yggdrasil](#) som inneheld fleire relevante datasett for planlegging i kystsona. Kartverktøyet inneheld både data frå Fiskeridirektoratet og andre etatar. Det er enkelt å søke opp relevant informasjon, vise data i kart og tabell, lage og dele kart over sjøområda og laste ned data i forskjellige filformat. Blant datasetta ein finn i Yggdrasil er Kystnære fiskeridata, Marint biologisk mangfald og Akvakulturregisteret (stedfesting og NYTEK). Under skildrar vi kva registreringar vi har funne i sjøområdet rundt planområdet, og som bør inkluderast i konsekvensutgreiinga.

Kystnære fiskeridata

- lokalt viktig gytefelt for torsk - Børilden
- fiske med aktive reiskap (rekestrål)
- Åråsvågen låsettingsplass

Fiskerimyndighetene er bekymra for bestanden av kysttorsk sør for Stad og det er innført ei rekke tiltak for å regulere fisket sør for 62°N. Forvaltninga har til no sett i verk tiltak for bevaring av gytefelt, vedtak om minstemål og forbod mot lysfiske. Kysttorsken gyt i perioden januar-februar til april og yngelen bunnslår og veks opp i grunne område (0 – 20 meter) i nærleiken av gytefeltet i perioden mai – juni. I dette tidsrommet er fisk og yngel ekstra utsett for ytre påkjenning, yngelen er særleg ømfintleg for steinstøv/partiklar frå sprenging og utfylling, og torskefisk er ekstra utsett for påverknad frå sprenging fordi dei har lukka svømmeblære.

På bakgrunn av dette føresett vi at det vert nytta avbøtande tiltak under sprenginga for å redusere spreining av partiklar til gytefeltet. Spreiingsarbeid bør gå føre seg på haust- og vinterstid (august – desember).

Marint biologisk mangfald

- større førekomstar av kamskjel

Vi føreset at tiltakshavar utfører arbeid med størst mogeleg varsemnd, og at dei unngår unødvendig spreining av steinmassar på sjøbotn.

Ta gjerne kontakt dersom det er ønskeleg med meir informasjon om Fiskeridirektoratet og marin arealforvaltning. Vi viser elles til [Fiskeridirektoratet sin heimeside](#).

Fiskeridirektoratet ber om at våre innspel takast omsyn til og at vi får plan på høyring når den er klar for offentlig ettersyn.



Med helsing

Anne Therese Alnæs Horn
konstituert seksjonssjef

Charlotte Skeide Norseng
rådgiver

Brevet er godkjent elektronisk og vert sendt utan handskriven underskrift.

KOPPI



Mottakarliste:

Norconsult As

Postboks 626

1303

Sandvika

Kopi til:

Austrheim Kommune

Fiskarlaget Vest

Kystverket

Statsforvaltaren I Vestland

Vestland Fylkeskommune

Sætre marka 2

Slottsgaten 3

Postboks 1502

Njøsavegen 2

Postboks 7900

5943

5003

6025

6863

5020

Austrheim

Bergen

Ålesund

Leikanger

Bergen

KOPPI

